



GRADSKO VIJEĆE

Nacrt!!!

Na osnovu člana 8. stava 3. alineje 11. i člana 13. stava 2. alineje 8. Zakona o principima lokalne samouprave u F BiH („Službene novine F BiH“, broj: 49/06 i 51/09), člana 3. tačkom 8. i člana 6. stava 2. Zakona o komunalnim djelatnostima (“Službeni glasnik Tuzlanskog kantona”, broj: 11/21-prečišćen tekst), člana 21. tačke 2. Statuta Grada Gradačac („Službeni glasnik Grada Gradačac“, broj 10/22) Gradsko vijeće Gradačac na ____ sjednici održanoj ____ .09.2025. godine
d o n o s i

PROGRAM javnih parkirališta

I. OPĆE ODREDBE

Programom javnih parkirališta (u daljem tekstu: Program) određuju se javna parkirališta po zonama, broj parking mjesta i vrste parkirališta po zonama.

II. ZONE PARKIRANJA

Red. Br.	Naziv javnog parkirališta	Broj parking mjesta	Zona	Vrsta javnog parkirališta		Opis lokacije
				Otvoreno/ zatvoreno	Na ulici/ Van ulice	
1.	Titova 1 (Prilog 1)	67	1	Otvoreni	Na ulici i van ulice	Parking prostor kod zgrade „Hamo“, parking prostor iza zgrade „Daj-dam“ i parking prostor u ulici Titova – na potezu od zgrade „Crvena škola“ do zgrade „BH Pošta“.
2.	Titova 2 (Prilog 2)	30	1	Otvoreni	Na ulici i van ulice	Parking prostor iza Zemljišno – knjižnog ureda i parking prostor u ulici Titova na potezu od zgrade „BH Pošta“ do zgrade „Konzum“
3.	Hadžiefendijina (Prilog 3)	36	1	Otvoreni	Na ulici	Parking prostor pored Trga, parking prostor pored zgrade „Konzum“ i parking

						prostor od Hadžiefnedijine vode do zgrade „Hidra“
4.	Park (Prilog 4)	36	0	Zatvoreni	Van ulice	Plato između zgrade Islamske zajednice Gradačac i Gradskog parka
5.	Škola „Ivan Goran Kovačić“ (Prilog 5)	91	1	Otvoreni	Van ulice	Parking prostor pored O.Š. „Ivan Goran Kovačić“
6.	Husein-kapetana Gradaševića (Prilog 6)	19	1	Otvoreni	Van ulice	Parking prostor od malog kružnog toka kod sportske dvorane „Skenderija“ do Raiffeisen banke
7.	Skenderija 1 (Prilog 7)	95	1	Zatvoreni	Van ulice	Parking prostor pored sportske dvorane „Skenderija“
8.	Skenderija 2 (Prilog 8)	51	1	Otvoreni	Van ulice	Parking prostor koji se nalazi između sportske dvorane „Skenderija“ i izložbenog paviljona
9.	Zanatsko – tržni centar 1 (Prilog 9)	20	1	Otvoreni	Van ulice	Parking prostor od zgrade Raiffeisen banke do ulaza u ulicu Hasana Kikića
10.	Zanatsko – tržni centar 2 (Prilog 10)	20	1	Otvoreni	Van ulice	Parking prostor unutar zanatsko – tržnog centra „pijaca“
11.	Stara bolnica (Prilog 11)	16	1	Otvoreni	Na ulici	Parking prostor u ulici Hasana Kikića, na potezu od Caffè bar „Bambi“ do ulaza u ulicu 1. Marta
12.	Reufa Huseinagića (Prilog 12)	27	1	Otvoreni	Na ulici	Parking u ulici Reufa Huseinagića
13.	Potok Mahala (Prilog 13)	73	1	Otvoreni	Na ulici i van ulice	Parking prostor u Potok Mahali
14.	Bolnica (Prilog 14)	73	2	Zatvoreni	Van ulice	Parking prostor kod Doma zdravlja Gradačac
15.	Kula (Prilog 15)	57	1	Zatvoreni	Van ulice	Parking prostor na kuli Husein-kapetana Gradaševića, sa obje strane stare Gimnazije

16.	Stadion Banja Iliđža (Prilog 16)	150	2	Zatvoreni	Van ulice	Parkring prostor pored stadiona Zvijezda
17.	Parking za obuku auto-škola (Prilog 17)	10	2	Otvoreni	Van ulice	Parking prostor za obuku auto – škola, pored puta koji vodi do jezera Vidara
18.	Varoš (Prilog 18)	U pripremi				

III. ZAVRŠNE ODREDBE

Sastavni dio ovog Programa čine grafički prikazi javnih parkirališa.

Korisnici povlaštenih parking karata na javnim parkiralištima koja stupanjem na snagu ovog Programa mijenjaju, mogu koristiti iste do isteka vremenskog perioda za koje su izdate.

IV. PRESTANAK VAŽENJA

Danom stupanja na snagu ovog Programa prestaje da važi Program o javnim parkiralištima („Službeni glasnik Opštine Gradačac“, broj: 5/14, 6/14, 8/18, 4/19 i 6/19 i „Službeni glasnik Grada Gradačac“, broj: 6/19 – prečišćen tekst, 7/20, 2/21, 8/21, 10/23).

V. STUPANJE NA SNAGU

Ovaj Program stupa na snagu osmog dana od dana objavljivanja u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
-Gradsko vijeće-**

Broj: 01-04-___/25
Datum: __.10. 2025. godine
G r a d a č a c

**PREDSJEDAVAJUĆI
GRADSKOG VIJEĆA**

Nedžad Šečić

O b r a z l o ž e n j e Programa javnih parkirališta

Pravni osnov za donošenje ovog Programa sadržan je u slijedećim odredbama:

Članom 8. stavom 3. alinejom 11. Zakona o principima lokalne samouprave u F BiH („Službene novine F BiH“, broj: 49/06 i 51/09) propisano je: „*U vlastite nadležnosti jedinice lokalne samouprave posebno spadaju: ... upravljanje, finansiranje i naprijedjenje djelatnosti i objekata lokalne komunalne infrastrukture, ... javna parkirališta...*“

Članom 13. stavom 2. alinejeom 8. Zakona o principima lokalne samouprave u F BiH propisano je: „*Vijeće u okviru svoje nadležnosti: ... donosi plan korištenja javnih površina...*“

Članom 3. tačkom 8. Zakona o komunalnim djelatnostima („Službeni glasnik Tuzlanskog kantona“, broj: 11/21-prečišćen tekst) propisano je: „*Komunalne djelatnosti u smislu ovog Zakona su: ... održavanje javnih parking prostora...*“

Članom 6. stavom 2. Zakona o komunalnim djelatnostima propisao je: „**Opštine/gradovi su dužni posebnim propisima regulisati uslove i način organizovanja poslova u vršenju pojedinih komunalnih djelatnosti, a naročito:**a) *tehničko, sanitarno – higijenske i zdravstvene i druge posebne uslove za obavljanje djelatnosti kojima se obezbjeđuje određeni obim, vrsta i kvalitet komunalnih usluga, ako njihov kvalitet nije propisan na drugi način, b) način obezbjeđivanja kontinuiteta u vršenju komunalnih djelatnosti, c) prava i obaveze davaoca i korisnika komunalnih usluga, d) način naplate cijene za komunalne usluge, kao i prava korisnika u slučaju nevršenja, odnosno nekvalitetnog vršenja komunalne usluge, e) način postupanja i ovlaštenja opštinskih/gradskih organa u slučaju prekida pružanju komunalnih usluga, kao i mjere koje je dužan preduzeti davalac usluge u takvim situacijama.*“

Članom 21. tačkom 2. Statuta Grada Gradačac („Službeni glasnik Grada Gradačac“, broj 10/22), propisano je: „*Gradsko vijeće u okviru svoje nadležnosti: ... donosi odluke i druge opće akte kojima uređuje pitanja iz samoupravnog djelokruga Grada.*“

Članom 3. Odluke o javnim parkiralištima („Službeni glasnik Općine Gradačac“, broj: 4/13, 6/14, 9/18, 1/19, 5/19 i 5/23) propisano je: „*Program javnih parkirališta (u daljem tekstu: Program) sa detaljnim pregledom parkirališnih mjesta i grafičkim priložima donosi Gradsko vijeće, na prijedlog Gradonačelnika. Prijedlog Programa priprema služba nadležna za komunalne poslove u saradnji sa službom nadležnom za urbanizam. U zavisnosti od potrebe i promijenjenih okolnosti, po proceduri opisanoj u prethodnom stavu ovog člana, određivat će se nova parkirališta, kao i vršiti promjene parkirališta prema zonama.*“

Razlozi za donošenje ovog Programa:

Dana 08.07.2025. godine i 09.07.2025. godine, J.P. „Parkinzi“ d.o.o. Gradačac obratilo se Gradskoj službi za komunalne poslove i prostorno uređenje sa dva dopisa kojim traže uvođenje nulte zone javnih parkirališta i prekatégorizaciju određenih parkirališta iz druge u prvu zonu, kao i uvrštavanje dvije nove parcele u Program javnih parkirališta. Uvidom u dostavljeni zahtjev Služba je ocijenila da je za prihvatanje navedenog zahtjeva neophodno izvršiti izmjenju pojedinih odredbi Odluke o javnim parkiralištima kao i samog Programa javnih parkirališta.

Osnovni tekst Programa javnih parkirališta Vijeće je usvojilo 2014. godine, a od tada do danas Program javnih parkirališta pretrpio je veliki broj izmjena i dopuna („Službeni glasnik Opštine Gradačac“, broj: 5/14, 6/14, 8/18, 4/19 i 6/19). 2019. godine sačinjen je i prečišćen tekst

Programa javnih parkirališta, nakon čega su ponovo vršene dopune istog („Službeni glasnik Grada Gradačac“, broj: 6/19 – prečišćen tekst, 7/20, 2/21, 8/21, 10/23).

Nacrtom ovog Programa javnih parkirališta, parkiralište „Park“ koje se nalazi između zgrade Medžlisa Islamske zajednice Gradačac i Gradskog parka, prekategoriizovano je u nultu zonu javnih parkirališta. Iz druge u prvu zonu javnih parkirališta prekategoriizovana su slijedeća javna parkirališta: „Škola Ivan Goran Kovačić“, „Skenderija 1“, „Skenderija 2“, „Zanatsko tržišni centar 2“, „Potok Mahala“ i „Kula“ (na Gradini).

Iz nacrtu ovog Programa izuzeta su određena parkirališta koja su ranijim izmjenama i dopunama unesena u Program, a koja više nisu aktivna. Parkiralište „Tvornica Kula“ neaktivno je i izuzeto iz Programa iz razloga što je katastarska čestica na kojem je isto izgrađeno u vlasništvu J.P. Željeznice Federacije BiH d.o.o. Sarajevo. Grad Gradačac se dva puta pokušao uknjižiti kao vlasnik, međutim sud je odbio takve zahtjeve. Parkiralište „Stara autobuska“ koje obuhvata prostor ispred zgrade Zavoda zdravstvenog osiguranja i prostor ispred stambene zgrade pored J.U. Dječije obdanište „Kolibri“ Gradačac, neaktivno je i izuzeto iz Programa jer je prostor pored zgrade Zavoda zdravstvenog osiguranja u vlasništvu Zavoda zdravstvenog osiguranja, a prostor ispred stambene zgrade nije dovoljno velik da bi se na njemu mogla obilježiti parkirališna mjesta a da se ne zatvore ulazi u garaže stanara te zgrade. Parkiralište „Stara banja“ je dobro u općoj upotrebi s pravom raspolaganja Grad Gradačac na kojem se nalazi dvadeset i šest parkirališnih mjesta, međutim upravitelj nema postavljen automat za naplatu parkiranja i na istome se ne vrši naplata. Iz Programa je izuzeto i parkiralište pored „Kovgrada“.

Po gore navedenom prijedlogu upravitelja u Program je uvrštena k.č. br. 418/2 Varoš, k.o. Gradačac II, vlasnik Grad Gradačac 1/1, koja se nalazi na Varoši, a na kojoj se nalaze objekti privremenog karaktera. Nakon uvrštavanja predmetne parcele u Program javnih parkirališta, objekte je potrebno ukloniti i parcelu urediti u javni parking prostor, što će se učiniti nakon usvajanja nacrtu ovog Programa, kada će biti moguće i izraditi grafičke skice i odrediti broj parking mjesta. Upravitelj je predložio da se u Program uvrsti i k.č. br. 238 Lahve, k.o. Gradačac k.o. Gradačac II, vlasništvo Grad Gradačac 1/1 i to dio parcele od ograde gradskog stadiona „Banja Ilidža“ do kružnog toka na jezeru Vidara, međutim Odsjek za urbanizam nije se izjasnio o takvoj mogućnosti u pogledu prostorno – planske dokumentacije. Pored navedenog, upravitelj je drži neaktivnim parkiralište „Stara banja“ sa 26 parkirališnih mjesta sa obrazloženjem da nisu u mogućnosti da upravljaju i vrše naplatu na istom, pa je Službi ostalo nejasno na koji način bi se vršila naplata na predloženom, zbog čega istu nije ni uvrstila u Program.

Napomena: Grafičke skice javnih parkirališta predviđenih ovim programom nalaze se u prilogu, obilježene rednim brojevima, a za javno parkiralište u tabeli pod rednim brojem 18. (Varoš) grafička skica bit će dostavljena u prijedlogu, nakon uređivanja parkirališta i određivanja broja parkirališnih mjesta.

Na osnovu svega navedenog, Gradska služba za komunalne poslove i prostorno uređenje sačinila je nacrt ovog Programa javnih parkirališta i dostavlja ga Gradskom vijeću na razmatranje i usvajanje.

Obradivač:

Gradska služba za komunalne poslove
i prostorno uređenje

Predlagač:

Gradonačelnik